

ylt in ain vnbesorgte frantzheit vnd
fieber/ dann für war nütze ist so vest
vnd stat vnderm hymel das nit tag-
licher bruch hin neme/ vñ sin alter ver-
schlyffe/ **D**as sechst/ ist das leyst alter
des menschen/ des nam herfür in
latin von verdriessen/ dem kein zil d
iaren bestimpt ist/ sonder alle iar die
nach den vorbestimpten fünff altern
komen werden vnuerschaidenlich ge-
aignet dem leysten vnkrefftigen alter/
vnd wirt genennt das leyst alter/
dann es ist ain endlich zil des sechste
alters/ vff dis obgemelten sechs zil/
haben die natürlichen maister beschri-
ben ains yeden mensche leben/ in den-
en der mensch sin endrung vnd louff
beschliessende/ kumpt zu dem endlich-
en augenblick sins lebēs/ betrachte hit-
ten wir (o du gottes geschöpfft) dwyle
die vff gotlicher macht/ allain verli-